

**KANTONALNI SUD U TUZLI**

**I N F O R M A C I J A**  
**O RADU KANTONALNOG SUDA U TUZLI**  
**ZA 2023. GODINU**

**Tuzla, januar 2024. godine**

## **UVODNE NAPOMENE**

Organizacija, nadležnost i finansiranje pravosuđa, kao i druga pitanja značajna za organizaciju i funkcionisanje sudova na teritoriji Federacije Bosne i Hercegovine uređena su Zakonom o sudovima u Federaciji Bosne i Hercegovine („Službene novine Federacije BiH“, broj 38/05, 22/06, 63/10, 72/10, 7/13 i 52/14).

Odredbom člana 63. navedenog Zakona propisano je da sud podnosi godišnju informaciju o svom radu za proteklu godinu nadležnom ministarstvu pravde i Visokom sudskom i tužilačkom vijeću Bosne i Hercegovine.

U skladu sa prethodno navedenom zakonskom odredbom cilj ove informacije je da se nadležni organi upoznaju sa radom Kantonalnog suda u Tuzli u prethodnom periodu kroz pregled rada osnovnih organizacionih jedinica suda – Odjeljenja sudske uprave, Krivičnog, Građanskog i Upravnog odjeljenja.

### **I – SUDSKA UPRAVA**

Poslovi kojima se obezbjeđuju uslovi za pravilan rad i poslovanje suda obavljaju se u okviru Sudske uprave.

Poslovi Sudske uprave u toku 2023. godine uspješno su obavljani, što je dalo dobre rezultate u pogledu kvantiteta i kvaliteta rada suda.

Kantonalni sud u Tuzli u 2023. godini imao je ukupno 88 zaposlenika, od čega 31 sudiju, uključujući i predsjednicu suda i 57 ostalih zaposlenika. U mjesecu novembru 2023. godine jedan sudija je otišao u penziju, tako da je do kraja 2023. godine Visoko sudsko i tužilačko vijeće BiH izvršilo popunu upražnjene pozicije sudije, jer je za tu poziciju raspisao konkurs u mjesecu maju 2023. godine. U toku godine 3 zaposlenika su otišla u penziju, a na njihova mjesta primljeni su novi zaposlenici. Jednom državnim službeniku u sudu je prestao radni odnos u mjesecu novembru 2023. godine zbog njegovog imenovanja za nosioca pravosudne funkcije.

Sudije su raspoređene u okviru tri odjeljenja:

- Građansko odjeljenje
- Krivično odjeljenje i
- Upravno odjeljenje

i to tako što je u Građansko odjeljenje raspoređeno do mjeseca novembra 2023. godine 22 sudija, a od tog datuma 23 sudija. U Krivično

odjeljenje do mjeseca novembra 2023. godine 6 sudija, a od tog datuma 5 sudija, te u Upravno odjeljenje 2 sudija.

U toku 2023. godine ukupno je imenovano u Kantonalni sud u Tuzli 7 sudija, s tim da je 3 sudija počelo sa radom 06.03.2023. godine, 2 sudija 03.07.2023. godine i 1 sudija 11.12.2023. godine, a 1 sudija će početi sa radom 28.02.2024. godine. Sudije su imenovane kao zamjena za sudije koje su otišle u penziju ili će otići u 2024. godini, te radi popune sistematizacije suda po osnovu odobrenih sredstava od strane Vlade Tuzlanskog kantona.

Još uvijek nije popunjena sistematizacija ovog suda, jer po sistematizaciji nedostaje još 2 redovnih sudija. Iz tih razloga planirali smo u budžetu suda za 2024. godinu sredstva za popunu još jedne sudijske pozicije, tako da ćemo u narednom periodu tražiti saglasnost od Vlade Tuzlanskog kantona za raspisivanje konkursa za popunu ove upražnjene pozicije. Kantonalni sud u Tuzli pod svojom jurisdikcijom ima 8 općinskih sudova, pa povećanje broja sudija i stručnih saradnika u općinskim sudovima dovelo je do povećanja broja neriješenih predmeta u Kantonalnom sudu u Tuzli, imajući u vidu nesrazmjer u pogledu broja sudija ovog suda i sudija općinskih sudova.

U 2023. godini Kantonalni sud u Tuzli nije tražio od Visokog sudskog i tužilačkog vijeća Bosne i Hercegovine privremeno upućivanje sudija Kantonalnog suda iz Odžaka u ovaj sud, jer Kantonalni sud u Odžaku nije imao popunjenu sistematizaciju u pogledu broja sudija koji bi se mogli privremeno uputiti na rad u Kantonalni sud u Tuzli.

Kantonalni sud u Tuzli u 2023. godini imao je ukupno 57 zaposlenika, od čega 4 državna službenika, s tim što je jednom državnom službeniku zbog imenovanja na poziciju sudije prestao radni odnos u mjesecu novembru 2023. godine. Još uvijek postoji potreba za većim brojem viših referenata za operativno – tehničke poslove (daktilografa), jer se obim posla stalno povećava, zaposlenici odlaze na bolovanje, a težište posla se prenosi na ostale zaposlenike, a što se sve odražava na njihovo zdravstveno stanje, a ovi razlozi utiču na efikasan rad suda. U toku 2023. godine primljeno je 5 viših referenata za operativno – tehničke poslove, kao zamjena za namještenike koji su otišli u penziju, a i radi popune sistematizacije suda, jer su na zahtjev ovog suda odobrena sredstva u budžetu za prijem ovih zaposlenika.

U 2023. godini uspješno je realizovan Program stručnog usavršavanja sudija, državnih službenika i ostalih zaposlenika preko Centra za edukaciju sudija i tužilaca u Federaciji BiH i drugih institucija koje se bave stručnim osposobljavanjem sudija, s tim što je jedan dio seminara bio organizovan on-line, što je olakšalo sudijama prisustvovanje edukaciji, jer nisu imali potrebe za putovanje van mjesta boravka.

I u 2023. godini nastavljen je Projekat finansiran od strane USAID pod nazivom „Pravosuđe protiv korupcije u BiH“, te u skladu sa postavljenim ciljevima ovog projekta prioritarno rješavanje predmeta korupcije.

Međunarodna organizacija USAID u sklopu ovog projekta omogućila je da dvoje sudija iz Kantonalnog suda u Tuzli odu na studijsko putovanje u Italiju u terminu od 03. do 10. juna 2023. godine, koje je uključivalo posjetu pravosudnim institucijama, te drugim relevantnim institucijama i nevladinim organizacijama uključenim u borbu protiv korupcije, privrednog i organizovanog kriminala. Cilj studijske posjete bio je omogućavanje učesnicima identifikacije dobre prakse u otkrivanju i procesuiranju najtežih oblika korupcije, privrednog i organizovanog kriminala, te dobre prakse među-institucionalne saradnje i komuniciranja sa nevladinim sektorom i javnošću, a koje bi sudije mogle primijeniti u svom radu, u skladu sa pravnim okvirom u BiH.

Tokom 2023. godine 7 sudija bilo je odsutno usljed bolovanja koja su kod nekih sudija trajala od mjesec dana do 7 mjeseci u kontinuitetu i traju još uvijek u 2024. godini, što se u konačnici odrazilo na ukupan broj riješenih predmeta i realizaciju postavljenih programskih ciljeva. Ostala odsustva sudija bila su u skladu sa zakonom, a radi se o odsustvu po osnovu godišnjeg odmora, državnih i vjerskih praznika, te odsustvu zbog obavljanja edukativne aktivnosti. U toku 2023. godine sekretar suda kao državni službenik bio je odsutan nekoliko mjeseci, te je sve poslove sekretara suda radila predsjednica suda pored svojim redovnih poslova. Također je bilo odsustva zbog bolovanja i na strani zaposlenika, najčešće u trajanju do 42 dana, ali i u dužem trajanju zavisno od razloga zbog kojih je otvoreno bolovanje.

Ukupno je podneseno Ustavnom sudu Bosne i Hercegovine od strane stranaka na predmete ovog suda 104 apelacije.

Ustavni sud Bosne i Hercegovine koji ima apelacionu jurisdikciju za pitanja iz Ustava BiH koja se pojave na osnovu presuda bilo kojeg suda u Bosni i Hercegovini u pogledu prava iz Ustava Bosne i Hercegovine, a između ostalog i prava zagarantovanih Evropskom Konvencijom o ljudskim pravima i osnovnim slobodama, donio je 19 odluka povodom predmeta koji su se nalazili u radu kod ovog suda, od čega u 4 predmeta odluke kojima se odbacuje apelacija, u 5 predmeta odluke kojima se odbija apelacija, u 7 predmeta odluke kojima se usvaja i u 3 predmeta odluke gdje se djelimično usvaja apelacija po članu 6. Evropske Konvencije o zaštiti o ljudskim pravima, a 3 predmeta su završena na drugi način.

Ustavni sud BiH u svojoj odluci nije se odredio da li je prekoračenju razumnog roka za rješavanje predmeta doprinos bio na strani prvostepenog ili drugostepenog suda, nego je naveo da su takvom postupanju uticali redovni sudovi. U većini predmeta kojima je usvojena apelacija od strane Ustavnog suda BiH, radilo se o završenim predmetima u kojima su stranke nakon okončanja postupka podnosile apelacije zbog povrede člana 6. Evropske Konvencije o zaštiti o ljudskim pravima, s ciljem ostvarivanja prava na naknadu materijalne štete.

## II – OSTVARENI REZULTATI U RADU NA PLANU RJEŠAVANJA PREDMETA U 2023 GODINI

Kantonalni sud u Tuzli donio je Plan rješavanja predmeta za 2023. godinu pod brojem 003-0-Su-22-000 939 od 20. januara 2023. godine koji je dostavio Visokom sudskom i tužilačkom vijeću Bosne i Hercegovine. Na dan 01.01.2023. godine ukupno u sudu je bilo neriješenih 5.083 predmeta na svim referatima, od čega na krivičnom referatu 402 predmeta, na građanskom referatu 4.515 predmeta, na referatu upravnog spora 162 i na referatu sudske uprave 4 predmeta.

U tački II Plana određeno je da sudija treba da riješi 80% predmeta od godišnjeg normativa definisanog za način završetka „odluka u meritumu“ referata na kojem sudija postupa, a preostali dio norme u procentu od 20% sudija će ostvariti rješavajući procesne i po zakonu hitne predmete koji zbog vremena podnošenja inicijalnog akta nisu uključeni u Plan.

Kantonalni sud u Tuzli u skladu sa tačkom 5. Izmjene i dopune Uputstva za izradu plana rješavanja predmeta bio je u obavezi svaka tri mjeseca donositi planove sa određenim brojem „predmeta po starosti inicijalnog akta“ koje je svaki sudija bio dužan staviti u rad u tromjesečnom periodu, a ti planovi su bili sastavni dio Plana rješavanja predmeta za 2023. godinu. Za prvostepene krivične, upravne predmete i predmete priznanja inostranih odluka u građanskim stvarima, sud je donio plan na godišnjem nivou.

U skladu sa donesenim Planom u Tabeli 1. prikazan je Pregled plana rješavanja predmeta po starosti inicijalnog akta i broju sudija u izvještajnom periodu od 01.01.2023. godine do 31.12.2023. godine, a u Tabeli 2. Pregled riješenih, neriješenih predmeta iz plana i procenat realizacije plana prikazan po starosnim kategorijama

**Tabela 1 – Pregled plana rješavanja predmeta po starosti inicijalnog akata i broj sudija**

REFERAT	Broj sudija koji su radili na predmetima iz plana na referatu	Predmeti inicirani 2023.g.	Predmeti inicirani 2022.-2021.g.	Predmeti inicirani 2020.-2019.g.	Predmeti inicirani 2018.-2015.g.	Predmeti inicirani 2014.-2010.g.	Predmeti inicirani 2009.g. i ranije	Ukupno predmeta u planu
IZVRŠNO	19	0	2	92	141	70	34	339
KRIVIČNO	6	10	145	176	52	21	1	405
PARNIČNO	19	0	591	792	576	67	23	2.049
PREKRŠAJNO	2	43	119	12	7	0	0	181
PRIVREDNO	19	0	2	120	88	3	0	213
UPRAVNO	2	122	175	15	3	2	0	317
VANPARNIČNO	19	26	30	22	59	13	7	157
ZEMLJIŠNO-KNJIŽNO	19	0	55	66	68	1	0	190
UKUPNO:		201	1.119	1.295	994	177	65	3.851

**Tabela 2 – Pregled riješenih, neriješenih predmeta iz plana i procent realizacije plana prikazan po starosnim kategorijama**

	Predmeti inicirani 2023.g	Predmeti inicirani 2022.- 2021.g	Predmeti inicirani 2020.- 2019.g	Predmeti inicirani 2018.- 2015.g	Predmeti inicirani 2014.- 2010.g	Predmeti inicirani 2009.godine i ranije	Ukupan broj predmeta
Broj predmeta u planu	201	1.119	1.295	994	177	65	3.851
Neriješeni predmeti iz plana	0	1	6	1	0	0	8
Riješeni predmeti iz plana	201	1.118	1.289	993	177	65	3.843
% realizacije	100%	99,91%	99,54%	99,90%	100%	100%	99,79%

### **I – Ocjena u pogledu stepena realizacije Plana**

Kantonalni sud u Tuzli u skladu sa Planom rješavanja predmeta riješio je do 31.12.2023. godine na svim referatima ukupno 3.843 predmeta, te ostvario procent realizacije plana na nivou svih referata od 99,79%, s tim što valja dodati da se 6 sudija nalazilo na dužem bolovanju u toku godine, što je sve uticalo na ukupan broj predmeta koji su se mogli završiti u toku godine.

Na kraju izvještajnog perioda ostalo je neriješenih 8 predmeta, među kojima su prvostepeni krivični predmeti koji se nisu mogli riješiti zbog njihove složenosti i dugotrajnosti dokaznog postupka i drugostepeni parnični predmeti, jer se radilo o složenim predmetima.

Od 3.843 predmeta koliko je riješeno iz plana, riješeno je 65 predmeta iniciranih 2009. godine i ranije, 177 predmeta iniciranih 2014. – 2010 godina, 993 predmeta iniciranih 2018. – 2015. godina, 1.289 predmet iniciranih 2020. – 2019. godina, 1.118 predmeta iniciranih od 2022. – 2021. godine i 201 predmet iniciran 2023. godine.

### **II – Predmeti sa procesnim ili zakonskim smetnjama u sudu**

U toku perioda za koji je donesen plan, 8 predmeta iz plana su označena kao predmeti sa procesnim ili zakonskim smetnjama i radi se o jednom krivičnom predmetu u kojem je nedostupan optuženi, 5 parničnih predmeta koji su vraćeni prvostepenom sudu radi preduzimanja određenih radnji i 2 predmeta koja su dostavljena putem Ministarstva pravde Bosne i Hercegovine u drugu državu, radi čega se na ovim predmetima nije moglo raditi, jer nisu postojale procesne pretpostavke za uzimanje predmeta u rad.

### III – KVANTITET RADA

Kantonalni sud u Tuzli ostvario je u 2023. godini kolektivnu normu suda u procentu od 113,64%.

Pregled ostvarene godišnje norme pojedinačno po sudijama je slijedeći:

Redni broj	Prezime i ime sudije	Procenat norme
1.	Hadžimehmedović Indira predsjednica suda	114,05%
2.	Razić Asja predsjednica Građanskog odjeljenja	112,04%
3.	Helić Vildana predsjednica Krivičnog odjeljenja (do 03.11.2023. godine)	290,55%
4.	Krsmanović Predrag predsjednik Upravnog odjeljenja	100,32%
5.	Lekić Smiljana	108,51%
6.	Biščić Admir	107,01%
7.	Hajdarbegović Safet (bolovanje 100 dana)	98,41%
8.	Alić Fahira	104,68%
9.	Brkić Emina	120,31%
10.	Ferizbegović Amira (bolovanje 32 dana)	99,81%
11.	Begović Tenzila	107,01%
12.	Sarajlić Jasna (bolovanje 166 dana)	105,88%
13.	Jović Verica	109,91%
14.	Stanković Silva (bolovanje 65 dana)	115,96%
15.	Jovanović Mihaela (bolovanje 92 dana)	105,25%
16.	Delić Amela	105,59%
17.	Škripić Aida	105,81%
18.	Halilović Vahida	109,12%
19.	Baraković Sabira (bolovanje 40 dana)	117,12%
20.	Mujčinović Alma	104,17%
21.	Sušić Mersida	158,97%
22.	Jusičić Samir	153,65%
23.	Gutić Merima	103,68%
24.	Softić Paša	104,49%
25.	Latifović Faruk	106,86%
26.	Kamberović Hadžiefendić Šejla	102,76%
27.	Čačković Damir (imenovan 06.03.2023. godine)	93,11%
28.	Delić Ilvana (imenovana 06.03.2023. godine - bolovanje 130 dana)	113,03%
29.	Buljubašić Edin (imenovan 06.03.2023. godine)	102,63%
30.	Mott – Bašić Ivana (imenovana 03.07.2023. godine)	114,73%
31.	Velagić Edita (imenovana 03.07.2023. godine)	117,83%
32.	Uzunić Senada (imenovana 11.12.2023. godine)	0%

### **Norma sudija kreće se u rasponu od 93,11% - 290,55%.**

Sudija koji je ostvario normu od 93,11% je novoimenovani sudija koji je imenovan u Kantonalni sud u Tuzli dana 06.03.2023. godine.

Sudija koja je ostvarila normu od 290,55% je predsjednica Krivičnog odjeljenja ovog suda, koja je u mjesecu novembru 2023. godine otišla u penziju.

## **IV – KVALITET RADA**

Kvalitet rada suda izražava se u procentu potvrđenih, preinačenih i ukinutih odluka u predmetima koji su rješavani po žalbama i vanrednim pravnim lijekovima na Vrhovnom sudu Federacije Bosne i Hercegovine, a ocjenjuje se kroz rad sudija na referatima na kojima su raspoređene sudije u okviru sudskih odjeljenja. U pogledu kvaliteta donesenih odluka ovaj sud je postigao dobre rezultate, jer je **kvalitet sudskih odluka na svim referatima ostvaren u procentu od 88,66%**.

U sudu je ukupno doneseno 4.623 odluke na koje se može izjaviti pravni lijek. Ožalbeno je 377 odluka ovog suda, od kojih je u 145 predmeta odbačen pravni lijek, u 266 predmeta potvrđena je odluka, u 52 predmeta odluka je preinačena, u 52 predmeta odluka je u cjelosti ukinuta, a u 7 predmeta djelimično ukinuta. U 28 predmeta, predmet je vraćen ovom sudu na ponovno suđenje.

I u 2023. godini sud je zadržao kvalitet rada na svim referatima.

### **Pregled ostvarenog kvaliteta rada pojedinačno po sudijama**

Ime i prezime sudije	Broj donesenih odluka na koje se može izjaviti pravni lijek	Broj ožalbenih odluka	Broj potvrđenih odluka	Broj preinačenih odluka	Broj ukinutih odluka	Broj djelimično ukinutih odluka	Procent ukinutih odluka u odnosu na ukupan broj potvrđenih, preinačenih i ukinutih odluka	Procent ukinutih odluka u odnosu na ukupan broj donesenih odluka na koje se može izjaviti pravni lijek
Indira Hadžimehmedović	25	0	0	0	0	0	Nije imala ukinutih odluka	Nije imala ukinutih odluka
Admir Bišćić	218	3	2	1	0	0	Nije imao 10 ožalbenih odluka	Nije imao 10 ožalbenih odluka
Aida Škripić	215	7	5	1	1	0	Nije imala 10 ožalbenih odluka	0,47%
Alma Mujčinović	206	2	2	0	0	0	Nije imala 10 ožalbenih odluka	Nije imala 10 ožalbenih odluka



Amela Delić	210	5	5	0	0	0	Nije imala 10 ožalbenih odluka	Nije imala 10 ožalbenih odluka
Amira Ferizbegović	186	61	40	16	5	0	8,20%	2,69%
Asja Razić	176	7	6	1	0	0	Nije imala 10 ožalbenih odluka	Nije imala 10 ožalbenih odluka
Damir Čačković	73	27	25	0	2	0	7,41%	2,74%
Emina Brkić	242	3	3	0	0	0	Nije imala 10 ožalbenih odluka	Nije imala 10 ožalbenih odluka
Fahira Alić	214	1	1	0	0	0	Nije imala 10 ožalbenih odluka	Nije imala 10 ožalbenih odluka
Faruk Latifović	211	5	5	0	0	0	Nije imao 10 ožalbenih odluka	Nije imao 10 ožalbenih odluka
Jasna Sarajlić	76	3	2	1	0	0	Ne vrši se ocjenjivanje – sudija na dužem bolovanju	Ne vrši se ocjenjivanje – sudija na dužem bolovanju
Merima Gutić	54	35	22	1	9	3	30%	19,44%
Mersida Sušić	54	27	22	2	1	2	7,41%	3,70%
Mihaela Jovanović	138	2	1	0	1	0	Nije imala 10 ožalbenih odluka	0,72%
Paša Softić	105	47	29	1	15	2	34,04%	15,24%
Predrag Krsmanović	195	75	43	21	11	0	14,67%	5,64%
Vildana Helić	21	1	0	0	1	0	Sudija nije ocijenjena – penzionisana	Sudija nije ocijenjena – penzionisana
Sabira Baraković	199	5	4	1	0	0	Nije imala 10 ožalbenih odluka	Nije imala 10 ožalbenih odluka
Safet Hajdarbegović	124	3	3	0	0	0	Nije imao 10 ožalbenih odluka	Nije imao 10 ožalbenih odluka
Samir Jusičić	41	29	23	2	4	0	13,79%	9,76%
Silva Stanković	170	3	2	0	1	0	Nije imala 10 ožalbenih odluka	0,59%
Smiljana Lekić	218	6	5	1	0	0	Nije imala 10 ožalbenih odluka	Nije imala 10 ožalbenih odluka

Šejla Kamberović Hadžiefendić	208	8	7	1	0	0	Nije imala 10 ožalbenih odluka	Nije imala 10 ožalbenih odluka
Tenzila Begović	217	3	3	0	0	0	Nije imala 10 ožalbenih odluka	Nije imala 10 ožalbenih odluka
Vahida Halilović	219	0	0	0	0	0	Nije imala 10 ožalbenih odluka	Nije imala 10 ožalbenih odluka
Verica Jović	216	2	2	0	0	0	Nije imala 10 ožalbenih odluka	Nije imala 10 ožalbenih odluka
Edin Buljubašić	190	30	26	2	2	0	6,67%	1,05%
Ilvana Delić	60	0	0	0	0	0	Ne vrši se ocjenjivanje – sudija na dužem bolovanju	Ne vrši se ocjenjivanje – sudija na dužem bolovanju
Ivana Mott – Bašić	225	54	52	2	0	0	0%	0%
Edita Velagić	236	34	29	4	1	0	2,94%	0,42%
Senada Uzunić	0	0	0	0	0	0	Ne vrši se ocjenjivanje – sudija stupila na dužnost 11.12.2023. godine	Ne vrši se ocjenjivanje – sudija stupila na dužnost 11.12.2023. godine

**NAPOMENA:**

**U navedenoj tabeli su prikazani rezultati rada sudija – kvalitet sudskih odluka za Kantonalni sud u Tuzli i kvalitet sudskih odluka dostavljen za sudije koji su u toku izvještajne godine radili u dva suda.**

Iz navedene tabele slijedi da je najbolji kvalitet sudskih odluka postignut na građanskom referatu i referatu upravnog spora u odnosu na kvalitet sudskih odluka na krivičnom referatu, jer kod nekoliko sudija na ovom referatu evidentiran je procent ukinutih odluka u većem postotku.

U odnosu na prethodnu 2022. godinu, kvalitet rada suda u 2023. godini također je na visokom nivou i nešto je manji u odnosu na prethodnu godinu. Naime, u 2022. godini kvalitet sudskih odluka na svim referatima ostvaren je u procentu od 89,27%, dok je u 2023. godini kvalitet sudskih odluka ostvaren u procentu od 88,66%.

## V – PROTOK PREDMETA I REZULTATI RADA SUDA

Kantonalni sud u Tuzli započeo je 2023. godinu sa prenesenih 5.083 neriješenih predmeta na svim referatima, a od tog broja na građanskom referatu preneseno je 4.515 predmeta, na krivičnom referatu 365 predmeta i na referatu upravnog spora 162 predmeta, 37 prekršajnih predmeta i 4 predmeta sudske uprave. U toku 2023. godine primljeno je na svim referatima ukupno 6.436 predmeta i najviše predmeta primljeno je na građanskom referatu 3.724 predmeta, na krivičnom referatu 1.695 predmeta, na referatu upravnog spora 447 predmeta, na prekršajnom referatu 435 predmeta i na referatu sudske uprave 135 predmeta.

U odnosu na 2022. godinu kada je na svim referatima primljeno 6.489 predmeta, u 2023. godini primljeno je 6.436 predmeta, što predstavlja smanjenje za 53 predmeta ili procentualno 8,16%. U 2023. godini na građanskom referatu primljeno je 3.724 predmeta, dok je u 2022. godini primljeno 3.874 predmeta, što predstavlja smanjenje za 150 predmeta ili procentualno 3,87%. Na krivičnom i prekršajnom referatu u odnosu na 2022. godinu kada je primljeno 1.852 predmeta, u 2023. godini primljeno je 2.130 predmeta, što predstavlja povećanje za 278 predmeta u odnosu na 2022. godinu ili procentualno 15,1%. Na referatu upravnog spora u odnosu na 2022. godinu kada je primljeno 418 predmeta, u 2023. godini primljeno je 447 predmeta, što predstavlja povećanje za 129 predmeta ili procentualno 30,86%.

Ukupno u radu na svim referatima bilo je 11.519 predmeta, što u odnosu na 2022. godinu kada je u radu bilo ukupno 11.907 predmeta predstavlja smanjenje za 388 predmeta ili procentualno 3,25%. U 2023. godini riješeno je na svim referatima 6.739 predmeta, što predstavlja smanjenje broja riješenih predmeta za 85 predmeta u odnosu na 2022. godinu, kada je na svim referatima riješeno 6.824 predmeta.

Na kraju 2023. godine na svim referatima je ostalo neriješeno 4.780 predmeta, što u odnosu na 2022. godinu kada je ostalo 5.083 predmeta predstavlja smanjenje broja neriješenih predmeta za 303 predmeta ili procentualno 5,96%.

Kantonalni sud u Tuzli uspio je u 2023. godini riješiti više od tekućeg priliva predmeta i smanjiti broj neriješenih predmeta za 5,96 %, ali sigurno bi rezultati bili još bolji da 7 sudija nije odsustvovalo usljed dužih bolovanja, koja su se kod nekih sudija nastavila i u 2024. godini

Na slijedećoj tabeli prikazan je protok predmeta u sudu po osnovnim referatima:

**Protok predmeta u Kantonalnom sudu Tuzla za 2023.godinu**

Vrsta predmeta	Broj neriješenih predmeta na početku izvještajnog perioda	Broj primljenih predmeta	Ukupan broj svih predmeta u radu	Broj riješenih predmeta	Broj neriješenih predmeta na kraju izvještajnog perioda
<b>IZVRŠNO</b>	<b>447</b>	<b>333</b>	<b>780</b>	<b>500</b>	<b>280</b>
I-Gvl	0	1	1	0	1
I-Gž	316	194	510	330	180
I-Gži	1	1	2	1	1
I-R	0	5	5	4	1
Ip-Pž	38	27	65	37	28
Mal-Gži	24	24	48	33	15
Mals-Pžip	3	2	5	5	0
P-Gži	49	66	115	71	44
Ps-Pžip	1	4	5	3	2
Rs-Rsži	9	8	17	9	8
V-Gži	6	1	7	7	0
<b>KRIVIČNO</b>	<b>365</b>	<b>1695</b>	<b>2060</b>	<b>1509</b>	<b>551</b>
K-Iksž	0	60	60	60	0
K-K	43	52	95	59	36
K-Kbs	0	25	25	22	3
K-Kp	0	12	12	12	0
K-Kpp	14	144	158	154	4
K-Kps	12	30	42	31	11
K-Kv	9	249	258	232	26
K-Kž	263	958	1221	768	453
K-Kžk	10	26	36	28	8
K-Mpom	12	69	81	72	9
K-Pom	0	1	1	1	0
K-R	2	57	59	58	1
Km-Kmž	0	12	12	12	0
<b>PARNIČNO</b>	<b>3190</b>	<b>2675</b>	<b>5865</b>	<b>2777</b>	<b>3088</b>
Dn-R	0	2	2	2	0
Kpu-Gž	1	0	1	1	0
Mal-Gvl	1	4	5	5	0
Mal-Gvlž	0	1	1	1	0
Mal-Gž	638	293	931	457	474
Mal-R	0	17	17	17	0
P-Gvl	3	7	10	6	4
P-Gvlž	3	6	9	6	3
P-Gž	1065	677	1742	820	922
P-Mo	0	1	1	1	0
P-Mož	4	23	27	25	2
P-R	1	20	21	19	2

Rs-Mož	2	3	5	4	1
Rs-R	0	16	16	16	0
Rs-Rsvl	1	2	3	0	3
Rs-Rsž	1471	1603	3074	1397	1677

PREKRŠAJNO	37	435	472	444	28
Pr-Pvlp	1	0	1	1	0
Pr-Pžp	35	416	451	423	28
Pr-Pžpmž	0	1	1	1	0
Pr-R	0	15	15	15	0
Pr-Zmž	0	3	3	3	0
Prm-Pžpm	1	0	1	1	0

PRIVREDNO	448	192	640	293	347
L-Pž	2	3	5	4	1
L-R	0	1	1	0	0
Mals-Pvl	1	0	1	0	0
Mals-Pž	126	45	171	83	88
Mals-R	0	3	3	3	0
Ps-Mož	2	6	8	8	0
Ps-Pvl	2	1	3	2	1
Ps-Pvlž	0	1	1	1	0
Ps-Pž	311	124	435	182	253
Ps-R	0	2	2	2	0
Reg-Pž	2	3	5	3	2
St-Pž	2	3	5	3	2

SUDSKA UPRAVA	4	135	139	134	5
R-R	2	6	8	8	0
Su-AP	2	129	131	126	5

UPRAVNO	162	447	609	424	185
U-R	3	4	7	6	1
U-U	159	416	575	392	183
U-Uvp	0	26	26	25	1
U-Už	0	1	1	1	0

VANPARNIČNO	153	431	584	426	158
O-Gvl	0	2	2	1	1
O-Gž	12	23	35	22	13
O-R	0	2	2	2	0
V-Gvlž	0	1	1	1	0
V-Gž	114	94	208	101	107
V-Mož	0	2	2	2	0

V-R	0	4	4	4	0
V-V	27	303	330	293	37

<b>ZEMLJIŠNO- KNJIŽNO</b>	277	93	370	232	139
Dn-Gvl	1	0	1	1	0
Dn-Gvlž	0	1	1	1	0
Dn-Gž	211	77	288	174	114
Dn-Pž	65	15	80	56	24

<b>UKUPNO</b>	<b>5.083</b>	<b>6.436</b>	<b>11.519</b>	<b>6.739</b>	<b>4.780</b>
---------------	--------------	--------------	---------------	--------------	--------------

## VI – RAD KRIVIČNOG ODJELJENJA

U okviru Krivičnog odjeljenja poslovi su se obavljali kroz postojeće referate i to: referat za prethodni postupak, referat za prethodno saslušanje, prvostepeni i drugostepeni krivični referat i drugostepeni prekršajni referat.

U Krivičnom odjeljenju do mjeseca novembra 2023. godine radilo je 6 sudija, ali nakon odlaska jednog sudije u penziju ostalo je da radi 5 sudija, koji su raspoređeni tako što je na prvostepenom krivičnom referatu radilo troje sudija, a troje sudija na drugostepenom krivičnom referatu, s tim što je dvoje od ovih sudija istovremeno radilo i na prvostepenom krivičnom referatu, iz razloga da se predmeti organiziranog kriminala i korupcije rješavaju efikasno.

### • Prvostepeni krivični referat

Na prvostepenom krivičnom referatu iz 2022. godine prenesena su 43 neriješena predmeta, a u 2023. godini primljena su 52 predmeta, tako da je ukupno u radu bilo 95 predmeta. U 2023. godini riješeno je 59 predmeta, a ostalo na kraju godine neriješeno 36 predmeta, što predstavlja smanjenje za 7 predmeta u odnosu na prethodnu 2022. godinu. Na prvostepenom krivičnom referatu predmeti ratnih zločina, predmeti korupcije i pritvorski predmeti imaju prioritet u radu, u odnosu na sve ostale predmete, iako u 2023. godini nije primljen ni jedan predmet ratnog zločina.

U strukturi krivičnih djela u predmetima koji su riješeni na prvostepenom krivičnom referatu najviše su zastupljena krivična djela – zloupotreba položaja ili ovlasti, porezna utaja, pronevjera u službi, razbojništvo, trgovina ljudima, organizovana trgovina ljudima, ubistvo i teška djela protiv sigurnosti javnog prometa, a kako je to bilo i u prethodnoj godini.

- **Drugostepeni krivični referat**

U nadležnosti ovog referata je odlučivanje o žalbama izjavljenim protiv odluka donesenih od strane općinskih sudova u krivičnom postupku.

Na kraju 2022. godine ostala su neriješena 263 predmeta. U toku 2023. godine primljeno je 958 predmeta, tako da je ukupno u radu u ovoj godini bilo 1.221 predmeta. Riješeno je 768 predmeta, a ostala su na kraju 2023. godine neriješena 453 predmeta, što u odnosu na 2022. godinu predstavlja povećanje broja neriješenih predmeta za 190 predmet ili 72,24%.

- **Rješavanje predmeta ratnih zločina**

U skladu sa Uputstvom Visokog sudskog i tužilačkog vijeća BiH Kantonalni sud u Tuzli nije sačinio Plan rješavanja predmeta ratnih zločina, jer nije imao u radu ni jedan aktivan predmet. U sudu su evidentirana 2 predmeta ratnih zločina od kojih su oba predmeta blokirana, jer se u jednom predmetu optuženi nalazi u bjekstvu i za njim je raspisana potjernica, a u drugom predmetu u odnosu na optuženog doneseno je rješenje o ustupanju krivičnog gonjenja Republici Srbiji, ali se pravosudne institucije ove države još uvijek nisu izjasnile da li preuzimaju krivično gonjenje protiv optuženog.

Sudije redovno u ovim predmetima nadziru da li su se stekle procesne pretpostavke za uzimanje predmeta u rad i svaka tri mjeseca se dostavljaju izvještaji nadzorom tijelu koji prati rad na predmetima ratnih zločina.

- **Rješavanje predmeta korupcije i organiziranog kriminala**

Iz 2022. godine prenesena su 4 neriješena predmeta korupcije. U toku 2023 godine primljena su 4 predmeta, tako da je ukupno u radu bilo 8 predmeta i isključivo se odnose na krivična djela – zloupotrebe položaja ili ovlaštenja, pronevjere i pranja novca. U 2023. godini riješena su 3 predmeta, a ostalo je neriješeno 5 predmeta i svi ti predmeti su aktivni, što znači da sudije u tim predmetima postupaju kontinuirano.

Od 3 završena predmeta korupcije jedan predmet je završen osuđujućom presudom kojom je izrečena kazna zatvora za 3 lica u ukupnom iznosu od 12 godina i novčana kazna za pravno lice u iznosu od 100.000,00 KM, kao i oduzimanje imovinske koristi u iznosu od 742.705,38 KM, dok su dva predmeta završena oslobađajućom presudom.

Iz 2022. godine prenesena su kao neriješena 2 predmeta organiziranog kriminala. U 2023. godini primljena su 2 predmeta organiziranog kriminala, tako da je ukupno u radu bilo 4 predmeta.

U 2023. godini riješena su 2 predmeta, osuđujućim presudama u kojima su izrečene kazne zatvora u rasponu od 4 (četiri) godine do 20 (dvadeset) godina, tako da su na kraju godine ostala neriješena 2 predmeta, koja su aktivna i u kojima sudije postupaju.

- **Drugostepeni prekršajni referat**

U okviru drugostepenog prekršajnog referata odlučuje se o žalbama izjavljenim protiv odluka općinskih sudova donesenih u prekršajnim predmetima.

Iz 2022. godine preneseno je neriješenih 37 predmeta. U toku 2023. godine primljeno je 435 predmeta, tako da je ukupno u radu bilo 472 predmeta. U 2023. godini riješeno je 444 predmeta, a ostalo neriješeno 28 predmeta, što u odnosu na 2022. godinu predstavlja smanjenje od 9 predmeta ili procentualno 24,32%. Obzirom na mali broj neriješenih predmeta na ovom referatu, može se zaključiti da je ovaj referat ažuran.

- **Zastarjelost pokretanja i vođenja krivičnog i prekršajnog postupka**

U 2023. godini je nastupila apsolutna zastara u 1 „Kps“ predmetu, jer se optuženi nalazi u bjekstvu i u tom predmetu je raspisana međunarodna potjernica. Također je nastupila apsolutna zastara krivičnog gonjenja u jednom drugostepenom krivičnom predmetu „Kž“, koji je dostavljen na odlučivanje po žalbi nakon što je nastupila apsolutna zastara krivičnog gonjenja. Kantonalni sud u Tuzli je obavijestio Visoko sudsko i tužilačko vijeće Bosne i Hercegovine o razlozima nastupanja apsolutne zastarjelosti krivičnog gonjenja, dostavljanjem izjašnjenja postupajućeg sudije zajedno sa sudskom odlukom, te izvodom iz CMS-a iz kojeg proizilazi da je predmet u kojem je nastupila apsolutna zastara krivičnog gonjenja evidentiran u CMS-u – završen nastupanjem zastare, a sve u skladu sa instrukcijama donesenim od strane Visokog sudskog i tužilačkog vijeća Bosne i Hercegovine.

Sud posebnu pažnju posvećuje pitanju zastarjelosti krivičnog i prekršajnog gonjenja i prioritet u radu imaju krivični i prekršajni predmeti u kojima postoji eventualna mogućnost da će nastupiti zastarjelost vođenja postupka, ali u nekim slučajevima kada je predmet dostavljen na rješavanje po žalbi, zbog kratkoće vremena za preduzimanje pojedinih procesnih radnji, nastupa zastarjelost vođenja postupka, a na koju ovaj sud ne može uticati.

## **VII – RAD GRAĐANSKOG ODJELJENJA**

U nadležnosti ovog odjeljenja je vršenje poslova drugostepenog suđenja u parničnim predmetima, postupak po vanrednom pravnom lijeku (ponavljanje postupka), odlučivanje o žalbi na rješenje doneseno povodom prijedloga za ponavljanje postupka, poslova priznanja odluka stranih sudova, kao i poslovi praćenja i proučavanja sudske prakse, a koji poslovi



se obavljaju kroz drugostepeni građanski referat, prvostepeni referat i referat priznanja stranih sudskih odluka.

U Građanskom odjeljenju do mjeseca decembra 2023. godine bilo je raspoređeno 22 sudija, a dolaskom novoimenovane sudije u mjesecu decembru u građanskom odjeljenju radilo je 23 sudija.

U toku 2023. godine na građanskom referatu primljeno je 3.724 predmeta, tako da je sa 4.515 predmeta koji su preneseni iz 2022. godine, na ovom referatu ukupno u radu bilo 8.239 predmeta. Od tog broja riješeno je 4.228 predmeta, a ostalo neriješenih 4.011 predmeta, što u odnosu na 2022. godinu kada je na kraju godine ostalo neriješenih 4.515 predmeta, predstavlja smanjenje broja neriješenih predmeta za 504 predmeta ili procentualno 11,16%. Ovo smanjenje bi bilo znatno više da je u 2023. godini radilo još 7 sudija koji su se nalazili na bolovanju, a bili su raspoređeni u Građansko odjeljenje.

Kao i u prethodnoj godini na ovom referatu i dalje su zastupljeni predmeti koji se odnose na ostvarivanje prava iz radnog odnosa, potraživanje po osnovu duga, naknade štete, imovinsko – pravne sporove, privredne sporove, izvršne, vanparnične predmete, kao i zemljišno – knjižne predmete. Obzirom na veliki broj predmeta kojima su sudije zadužene u okviru Građanskog odjeljenja uloženi su maksimalni naponi da se smanji broj neriješenih predmeta, a što je bio i cilj Plana rješavanja predmeta kojeg je donio ovaj sud na početku godine, te je u 2023. godini uspio riješiti tekući priliv predmeta koji je u odnosu na 2022. godinu na ovom referatu manji za 150 predmet ili procentualno 3,87% i za 504 predmet smanjiti ukupan broj neriješenih predmeta, što predstavlja značajan napredak u odnosu na prethodne godine.

Priliv je znatno povećan na referatu radnih sporova, jer je na kraju 2022. godine preneseno neriješenih 1.471 predmet, a u toku godine je primljeno 1.603 predmeta, tako da je u radu na ovom referatu bilo 3.074 predmeta. Od tog broja u 2023. godini riješeno je 1.397 predmeta, a na kraju 2023. godine ostalo neriješeno 1.677 predmeta, koji su preneseni u 2024. godinu. Sve sudije u Građanskom odjeljenju ravnomjerno su zadužene odgovarajućim brojem predmeta radnih sporova i svakog mjeseca, u skladu sa donesenim Planom rješavanja predmeta, rješavaju odgovarajući broj predmeta ove vrste, ali obzirom na veliki priliv ovih predmeta ne osjete se značajno rezultati u pogledu smanjenja broja neriješenih predmeta.

Imenovanjem novih sudija u Kantonalni sud u Tuzli a koji su raspoređeni na građanski referat značajno se smanjio broj predmeta po sudijama u ukupnom zaduženju, tako da svaki sudija sada zadužuje oko 190 neriješenih predmeta, bez tekućeg priliva, što znači da sudija ima u zaduženju godišnju normu predmeta, na koji način će se u narednom periodu sigurno osjetiti rezultati u pogledu smanjenja broja neriješenih predmeta, posebno i ako se vrate sudije sa bolovanja koje su raspoređene na građanski referat.

Poseban problem kada je u pitanju rad građanskog referata predstavlja suđenje u razumnom roku. U prethodnom periodu ovaj sud je suočen sa problemom podnošenja velikog broja apelacija od strane stranaka Ustavnom sudu BiH, kako u predmetima koji nisu završeni, tako i u predmetima koji su završeni, a sve u cilju ostvarenja prava na naknadu materijalne štete. Povećanjem broja sudija očekujemo efikasnije suđenje na građanskom referatu, ali zbog odsustva sudija usljed bolovanja koja su dugotrajna, još uvijek ne možemo osjetiti značajnije rezultate da se predmeti sude u razumnom roku.

U okviru Građanskog odjeljenja Kantonalni sud u Tuzli je dao podršku Projektu „Sedmica sudske nagodbe“ koji se održao u periodu od 15. maja do 26. maja 2023. godine i u periodu od 06. novembra do 17. novembra 2023. godine, pozivanjem stranaka da pristupe u sud i da u cilju efikasnijeg rješavanja njihovih predmeta u postupku po žalbi pred ovim sudom zaključče sudska nagodbu, jer će na taj način skratiti vrijeme trajanja spora, kao i ostale troškove nastale u vezi sa sudskim postupkom. Međutim, nije bilo interesovanja stranaka da spor pred sudom riješe na ovaj način, tako da ovaj projekat nije dao očekivane rezultate.

## **VIII – RAD UPRAVNOG ODJELJENJA**

U nadležnosti ovog odjeljenja je odlučivanje u svim upravnim sporovima, kao i o zahtjevima za zaštitu sloboda i prava utvrđenih Ustavom, ako su takve slobode i prava povrijeđeni konačnim pojedinačnim aktom ili radnjom službenog lica u organima uprave, odnosno odgovornog lica u preduzeću, ustanovi ili drugom pravnom licu kada za zaštitu tih prava nije osigurana druga sudska zaštita.

Na referatu upravnog spora iz 2022. godine prenesena su 162 predmeta, a u toku 2023. godine primljeno je 447 predmeta, tako da je u 2023. godini ukupno u radu bilo 609 predmeta, dakle za 26 predmeta manje nego u 2022. godini. U toku 2023. godine riješena su 424 predmeta i na kraju godine ostalo je neriješeno 185 predmeta, što predstavlja povećanje broja neriješenih predmeta za 23 predmeta u odnosu na 2022. godinu. U 2023. godini postignuti su značajni rezultati na smanjenju broja neriješenih predmeta, jer na ovom referatu sada radi dvoje sudija, tako da se broj neriješenih predmeta značajno smanjio. Predmeti na ovom referatu rješavaju se u optimalnim rokovima, pa se može zaključiti da je ovaj referat izuzetno ažuran.

## **IX – DUŽINA TRAJANJA POSTUPKA NA REFERATIMA**

Prosječno trajanje postupka na drugostepenom parničnom referatu iznosilo je 507 dana, a na drugostepenom privrednom referatu 764 dana, jer se predmeti rješavaju po starosti inicijalnog akta kojim je pokrenut postupak pred općinskim sudom i po starosti inicijalnog akta kojim je pokrenut postupak pred ovim sudom, tako da se građanski predmeti posebno ne odvajaju, nego sudije rješavaju sve vrste građanskih predmeta isključivo po starosti inicijalnog akta.

Na prvostepenom krivičnom referatu prosječno trajanje postupka iznosilo je 292 dana, a u ove postupke su uključeni predmeti ratnih zločina, koji se zbog složenosti postupka ne mogu riješiti u optimalnim rokovima ili se ne mogu riješiti zbog nedostupnosti optuženih lica protiv kojih su raspisane potjernice. Također prosječno trajanje postupka povećaju predmeti koji su blokirani i u kojima su raspisane potjernice protiv optuženih lica.

Postupak po žalbi u vanparničnim predmetima prosječno je trajao 423 dana, jer se i u ovim predmetima postupa po starosti inicijalnog akta, odnosno akta kojim je pokrenut postupak pred općinskim sudom i pred ovim sudom.

Prosječno trajanje postupka u predmetima upravnog spora iznosilo je 161 dan i ispod je predvidivog roka.

Ispod predvidivog roka je i postupak u drugostepenim krivičnim predmetima u kojima je postupak trajao 171 dan i u drugostepenim prekršajnim predmetima u kojima je postupak trajao 14 dana.

U postupcima odlučivanja u stečajnim predmetima prosječno trajanje riješenih predmeta iznosilo je 141 dan, što je iznad predvidivog roka.

Također iznad predvidivog roka je i postupak u zemljišno – knjižnim predmetima i predmetima ponavljanja postupka u građanskim stvarima i iznosi 319 dana, dok je u predmetima odlučivanja o žalbi na mjeru osiguranja postupak ispod optimalnog roka i iznosi 66 dana.

Prosječno trajanje riješenih predmeta u sudu na godišnjem nivou iznosi 405 dana, a prosječno trajanje neriješenih predmeta 299 dana.

Odlazak sudija u penziju, dugotrajna odsustva sudija zbog bolesti na referatima na kojima ima najviše neriješenih predmeta i nedovoljan broj stručnih saradnika, uticao je na prosječno trajanje riješenih i neriješenih predmeta. Sem toga, uzimanje predmeta u rad prema starosti inicijalnog akta kojim je pokrenut postupak pred prvostepenim sudom utiče na dužinu trajanja postupka u novijim predmetima koji pred drugostepenim sudom čekaju na red rješavanja, jer se prioritarno uzimaju u rad stari predmeti.

U cilju smanjenja dužine trajanja postupka posebno na građanskom referatu koji ima najveći broj neriješenih predmeta, novoimenovane sudije su raspoređene na ovaj referat tako da je zaduženje po sudijama u pogledu broja neriješenih predmeta smanjeno i u prosjeku iznosi na godišnjem nivou oko 190 predmeta, što predstavlja godišnju normu sudije. Smanjenjem ukupnog zaduženja neriješenih predmeta u narednom periodu se mogu

očekivati rezultati u pogledu smanjenja dužine trajanja postupka. Na građanskom referatu trenutno je raspoređeno 23 sudija, s tim da se od tog broja 3 sudija nalazi na dugotrajnom bolovanju.

## **X - PRIMJENA SMJERNICA ZA PREVENCIJU SEKSUALNOG I RODNO ZASNOVANOG UZNEMIRAVANJA U PRAVOSUDNIM INSTITUCIJAMA U BOSNI I HERCEGOVINI**

Visoko sudsko i tužilačko vijeće Bosne i Hercegovine krajem mjeseca oktobra 2022. godine usvojilo je Strategiju za unapređenje rodne ravnopravnosti u pravosuđu Bosne i Hercegovine (u daljem tekstu skraćeno: Strategija), jer je Bosna i Hercegovina kao potpisnica brojnih međunarodnih dokumenata, koji tretiraju pitanje ljudskih prava i sloboda, dužna se podržavati principa rodne ravnopravnosti i aktivno težiti njegovom uspostavljanju, te osigurati svakome ostvarivanje svih ljudskih prava i temeljnih sloboda, bez diskriminacije po bilo kojem osnovu. Strategijom su postavljeni strateški ciljevi za unapređenje rodne ravnopravnosti u pravosuđu BiH i određene su aktivnosti Visokog sudskog i tužilačkog vijeća BiH i pravosudnih institucija u implementaciji Strategije.

U tom smislu određeno je da će Visoko sudsko i tužilačko vijeće BiH koordinirati procesom donošenja akcionih planova od strane pravosudnih institucija, te pružati podršku u okviru navedenog procesa, s ciljem omogućavanja jednakog pristupa pravdi i jednakosti svih građana po zakonu.

Zaposlenici Kantonalnog suda u Tuzli su dana 08. marta 2022. godine upoznati da je u sudu započeo proces implementacije Strategije za unapređenje rodne ravnopravnosti u pravosuđu Bosne i Hercegovine, te je predsjednica suda dana 10. marta 2022. godine imenovala Radnu grupu sačinjenu od osoblja oba spola, čiji zadatak je bio preduzimanje neophodnih koraka u implementaciji Strategije, odnosno donošenju i primjeni akcionih planova.

Radna grupa u predviđenom roku pripremila je Akcioni plan za implementaciju Strategije za unapređenje rodne ravnopravnosti i isti uputila Visokom sudskom i tužilačkom vijeću Bosne i Hercegovine, na odobravanje.

Visoko sudsko i tužilačko vijeće Bosne i Hercegovine je na sjednici održanoj krajem mjeseca septembra 2022. godine odobrilo navedeni Akcioni plan, nakon čega je predsjednica suda donijela Odluku o usvajanju i provođenju Akcionog plana za implementaciju Strategije za unapređenje rodne ravnopravnosti u Bosni i Hercegovini broj 003-0-Su-22-000 252 od 20. oktobra 2022. godine.

Nosioci aktivnosti iz Akcionog plana su početkom novembra mjeseca 2022. godine krenuli sa aktivnostima na implementaciji mjera predviđenih akcionim planom.

S tim u vezi, u rokovima koji su određeni Akcionim planom, implementirane su sljedeće aktivnosti:

- Imenovana je kontakt osoba kojoj će se moći obratiti svi građani i zaposlenici Kantonalnog suda u Tuzli ukoliko primijete neke nepravilnosti ili nejednako postupanja sa osobama koje dolaze u kontakt sa pravosudnom institucijom.
- Putem mail-a svim zaposlenicima suda su poslani zanimljivi propagandni materijali na temu rodne ravnopravnosti, rodnih stereotipa i rodne diskriminacije (seksizma, rodnog uznemiravanja).
- Strategija za rodnu ravnopravnost, Zakon o zabrani diskriminacije BiH („Službeni glasnik BiH“, broj 59/09) i Zakon o ravnopravnosti spolova u Bosni i Hercegovini („Službeni glasnik BiH“, broj 32/10) objavljeni su na web. stranici suda.
- Uvedena je knjiga žalbi u pisarnici suda koja je namijenjena strankama, ali i zaposlenicima suda da bi im bilo omogućeno anonimno obraćanje u slučajevima rodno zasnovanog neravnopravnog postupanja prema njima, rodnog uznemiravanja i bilo kojeg oblika diskriminacije.
- Uvedena je elektronska knjiga žalbi za slučajeve detekcije rodne diskriminacije, narušavanja rodne ravnopravnosti, i prisutnosti seksizma.

Odlukom predsjednice suda broj 003-0-Su-22-000 252 od 15. decembra 2022. godine produžen je rok sa tri mjeseca na devet mjeseci od dana usvajanja Akcionog plana za implementaciju aktivnosti koje su usmjerene na prilagođavanje Pravilnika o sistematizaciji radnih mjesta i web. stranice rodno senzitivnom jeziku.

Akcionim planom za implementaciju Strategije za unapređenje rodne ravnopravnosti za period 01.01.2023. do 31.12.2023. godine su planirane sljedeće aktivnosti:

- Održavanje edukacije/seminara za osoblje pravosudne institucije s ciljem podizanja nivoa znanja i svijesti o pitanjima rodne ravnopravnosti, temeljnim pojmovima u vezi roda, rodnim stereotipima i diskriminaciji na osnovu roda.

- Prezentacija kratkih zanimljivih videa (youtube) za sve zaposlene u sudnici, na temu rodne ravnopravnosti, rodnih stereotipa, diskriminacije. Razvijanje diskusije i dijaloga na spomenute teme.

- Prilagođavanje Pravilnika i sistematizacije radnih mjesta, i web stranice rodno senzitivnom jeziku.
- Provođenje interne i eksterne ankete radi pregleda opšte slike o svijesti uposlenih i drugih korisnika/korisnica pravosuđa o pitanjima vezanih za rodnu ravnopravnost i jednak pristup pravdi.
- Predavanje za zaposlene i saradnike na temu „Rodno neutralna sudnica“ i Rodno senzitivna komunikacija. (Uključiti i neke advokate, predstavnike OSCE-a koji prate suđenja, i druge bliske saradnike, možda i studente).

U toku realizacije planiranih aktivnosti predviđenih Akcionim planom ovog suda za 2023. godinu, nastupile su okolnosti koje su dovele do toga da se određene aktivnosti iz objektivnih razloga nisu mogle realizirati. Naime, tokom 2023. godine, nosioci aktivnosti koji su bili zaduženi za realizaciju aktivnosti su odsustvovali s posla zbog dužeg bolovanja, a predstavnici Agencije za ravnopravnost spolova Bosne i Hercegovine su bili spriječeni tokom 2023. godine održati predavanje za zaposlene i saradnike na temu „Rodno neutralna sudnica“ i Rodno senzitivna komunikacija, iako je sud u nekoliko navrata kontaktirao ovu Agenciju. Zbog navedenih razloga, tokom 2023. godine realizirane su slijedeće aktivnosti:

- Prezentacija kratkih zanimljivih videa (youtube) za sve zaposlene u sudnici, na temu rodne ravnopravnosti, rodnih stereotipa, diskriminacije. Razvijanje diskusije i dijaloga na spomenute teme.
- Prilagođavanje Pravilnika i sistematizacije radnih mjesta, i web stranice rodno senzitivnom jeziku.
- Provođenje interne i eksterne ankete radi pregleda opšte slike o svijesti uposlenih i drugih korisnika/korisnica pravosuđa o pitanjima vezanih za rodnu ravnopravnost i jednak pristup pravdi.

Imajući u vidu navedene, predsjednica suda je u mjesecu decembru 2023. godine donijela izmjene i dopune Akcionog plana za implementaciju Strategije za unapređenje rodne ravnopravnosti kojim se produžavaju rokovi za realizaciju aktivnosti koje se nisu realizirale tokom 2023. godine.

## **XI – ZAKLJUČAK**

Na osnovu podataka navedenih u informaciji o radu Kantonalnog suda u Tuzli za 2023. godinu može se zaključiti da je sud postigao izuzetno dobre rezultate u svom radu, da je uspio riješiti veći broj predmeta u odnosu na tekući priliv predmeta, pa u konačnici i smanjiti broj neriješenih predmeta u odnosu na prethodnu 2022. godinu za 5,96%, iako je radio sa 7 manje sudija koji su se nalazi na bolovanju, neke sudije u trajanju od mjesec, a neki u kontinuitetu od 6 mjeseci i to bolovanje traje i dalje. Jedan sudija je otišao u penziju u mjesecu novembru 2023. godine, a na njegovo mjesto Visoko sudsko i tužilačko vijeće BiH je izabralo sudiju koji je počeo sa radom u mjesecu decembru 2023. godine.

U 2023. godini Visoko sudsko i tužilačko vijeće BiH imenovalo je 7 sudija u Kantonalni sud u Tuzli koji su počeli sa radom i to 3 sudija u mjesecu martu, 2 sudija u mjesecu julu, jedan sudija u mjesecu decembru, a jedan sudija treba početi sa radom u mjesecu februaru 2024. godine, kao zamjena za sudiju koji u tom mjesecu ide u penziju. Iako je izabrano 7 novih sudija, nije se značajno smanjio broj neriješenih predmeta, jer je 7 sudija u toku 2023. godine odsustvovalo usljed bolovanja.

Sistematizacija suda nije još uvijek popunjena, jer prema sistematizaciji nedostaje 2 sudija i u budžetu suda za 2024. godinu planirano je raspisivanje konkursa za jednog sudiju, a nakon usvajanja budžeta, jer Vlada Tuzlanskog kantona treba dati saglasnost za popunu upražnjene pozicije sudije.

Skoro sve sudije na svojim referatima ostvaruju utvrđenu programsku normu, pa čak je i prebacuju, a na što ukazuje procenat ostvarene kolektivne norme suda za 2023. godinu od 113,64%. Međutim, bez prisustva na radu svih sudija, ne mogu se očekivati rezultati u smislu optimalne ažurnosti, jer nedostatak sudija direktno utiče na ukupan broj riješenih predmeta, a time i na suđenje u razumnom roku.

Visoko sudsko i tužilačko vijeće BiH u prethodnom periodu značajno je skratilo proceduru izbora sudija, te se taj postupak sad obavlja u toku godine, što će u svakom slučaju uticati na bolju efikasnost rada sudova.

U Kantonalnom sudu u Tuzli građanski referat je najopterećeniji referat, jer ima najveći broj neriješenih predmeta, jer svaki sudija na građanskom referatu u prosjeku sada zadužuje oko 190 neriješenih predmeta, što znači da kada sud ne bi primio ni jedan novi predmet, sudijama na građanskom referatu bi trebala 1 godina da riješe zadužene predmete, iz čega slijedi da se značajno smanjilo ukupno zaduženje po sudijama neriješenih predmeta, jer se povećao broj sudija tako da sudije nisu više opterećene velikim brojem predmeta. U 2023. godini sud je uspio postići smanjenje broja neriješenih predmeta na drugostepenom građanskom referatu za 504 predmeta u odnosu na 2022. godinu ili procentualno 11,16%.

Također je sud uspio smanjiti i broj prvostepenih krivičnih predmeta za 7 u odnosu na prethodnu godinu, jer je na kraju godine ostalo neriješeno 36 predmeta, a smanjenje broja neriješenih predmeta bilo je i na referatu upravnog spora, jer su na kraju godine ostala neriješena samo 182 predmeta.

Jedna od mjera koja može uticati na efikasniji rad suda je delegiranje sudija iz sudova koji imaju daleko manji broj predmeta u radu ili ih nemaju, u sud koji je opterećen većim brojem predmeta, kao što je to Visoko sudsko i tužilačko vijeće BiH učinilo delegiranjem sudija iz drugih kantonalnih sudova u kantonalne sudove na području Federacije BiH koji imaju veliki broj neriješenih predmeta. Ovaj institut institut se može uspješno primijeniti

ne samo na rad kantonalnih sudova, nego i na rad općinskih sudova koji nemaju dovoljan broj predmeta u radu. Međutim, sudije koje se privremeno upućuju na rad u drugi sud, trebale bi podlijegati obavezi rada na planu rješavanja predmeta, kao i druge sudije barem u određenom procentu, jer bez te obaveze ne mogu se očekivati značajniji rezultati u pogledu rješavanja predmeta.

Efikasnijem radu suda doprinosi odgovarajući broj stručnih saradnika – državnih službenika koji pod nadzorom sudije rade na rješavanju predmeta. Nakon imenovanja jednog stručnog saradnika na sudijsku poziciju, ostala je u sudu upražnjena pozicija stručnog saradnika i još 4 nepopunjene pozicije stručnih saradnika po sistematizaciji suda, a stručni saradnici bi svojim radom pod mentorstvom sudije pružili pomoć u rješavanju predmeta iz građansko – pravne oblasti i krivično – pravne oblasti, obzirom da na građanskom referatu ima dosta neriješenih predmeta, a na krivičnom referatu zbog složenosti predmeta kojima su sudije zadužene, kao što su predmeti korupcije, predmeti organiziranog kriminala i ratnih zločina, sudijama kao podrška u radu su neophodni stručni saradnici. Sudije na krivičnom referatu zbog složenosti predmeta u kojima se vode krivična suđenja i zbog raznovrsnosti krivičnih djela, obavezno bi morali imati u svom timu i stručne saradnike, osobe sa završenim Pravnim fakultetom i položenim pravosudnim ispitom, koji bi tim sudijama bili podrška u radu u pogledu pripreme predmeta za suđenje, koncentracije dokaza i evidentiranja svih neophodnih radnji, a koje sudijama oduzimaju puno vremena u smislu aktivnog proučavanja i rada na krivičnom predmetu. Na ovaj način bi se stručnim saradnicima pružila prilika da se stručno usavršavaju za budući rad u pravosuđu, a plaće za njihov rad ne bi predstavljale veliko opterećenje budžetu suda.

U toku 2023. godine, nije završena procedura prijema državnog službenika – stručnog saradnika za odnose s javnošću, jer ta procedura traje od mjeseca juna 2023. godine i neizvjesno je kada će se završiti, iako je Kantonalnom sudu u Tuzli to radno mjesto neophodno.

Također jedna od mjera koja može uticati na efikasniji rad suda je odgovarajući broj administrativno – tehničkog osoblja, naročito daktilografa koji rade neposredno sa sudijom. U 2023. godini zahvaljujući podršci Vlade Tuzlanskog kantona koja je obezbijedila novčana sredstva ovaj sud je primio u radni odnos 7 zaposlenika – Viših referenata za operativno – tehničke poslove (daktilografa). Radi popune sistematizacije suda potrebno je primiti još zaposlenika – Viših referenata za operativno – tehničke poslove (daktilografa), obzirom na povećani obim sudijskog posla i potrebu da svaki sudija ima svog saradnika, jer trenutno jedan saradnik radi sa dvoje sudija, što predstavlja opterećenje za sudiju, jer ne može imati saradnika koji bi radio s njim kontinuirano. Pri tome, treba imati u vidu da postojeći saradnici sudija koji rade kao viši referenti za operativno – tehničke poslove (daktilografi), taj posao rade dugi niz godina i dobar dio ovih zaposlenika nalazi se pred penzijom i u svakom slučaju bi trebalo postepeno popunjavati upražnjena mjesta mlađim zaposlenicima.




U 2023. godini Vlada Tuzlanskog kantona je Kantonalnom sudu u Tuzli kroz budžetska sredstva obezbijedila dovoljno sredstava da sud može potpuno funkcionisati i ispunjavati svoje obaveze. Pored toga, Vlada Tuzlanskog kantona kroz kapitalna sredstva obezbijedila je Kantonalnom sudu u Tuzli iznos od 25.000,00 KM, za opremanje kancelarije koja je namijenjena za implementaciju Zakona o zaštiti tajnih podataka. Kapitalna sredstva su utrošena putem javne nabavke i izvršena je nabavka protuprovalnih vrata, sa digitalnim čitačem ulaza i izlaza, 2 sef kase, računarske opreme, sjekača papira i kancelarijskog namještaja, tako da su sredstva koja su dodijeljena sudu u cjelosti realizovana za ovu namjenu.

Sud je pripremio sve normative akte koji su bili potrebni kako bi se postupak u vezi implementacije Zakona o zaštiti tajnih podataka okončao, te akte dostavio na saglasnost Ministarstvu sigurnosti Bosne i Hercegovine.

U pogledu saradnje Kantonalnog suda u Tuzli sa drugim institucijama, valja istaći izuzetno dobru saradnju sa Visokim sudskim i tužilačkim vijećem Bosne i Hercegovine, koje prati rad ove pravosudne institucije i pruža joj podršku u radu. Izuzetno dobra saradnja je ostvarena i sa Vrhovnim sudom Federacije Bosne i Hercegovine, Vladom Tuzlanskog kantona, Ministarstvom pravosuđa i uprave i Ministarstvom finansija Tuzlanskog kantona, Kantonalnim tužilaštvom Tuzlanskog kantona, općinskim sudovima na području Tuzlanskog kantona, Odjeljenjem sudske policije sudova u Tuzlanskom kantonu, Centrom za edukaciju sudija i tužilaca u Federaciji BiH, kao i ostalim institucijama sa kojima se sud susreće u svom radu.

Bosna i Hercegovina  
Federacija Bosne i Hercegovine  
**TUZLANSKI KANTON**

**KANTONALNI SUD U TUZLI**  
Broj: 003-0-Su-23-000 956  
Datum, 31. januar 2024. godine



**PREDSJEDNICA SUDA**

Indira Hadžimehmedović